



157. fundur

sveitarstjórnar Þingeyjarsveitar

haldinn í Kjarna fimmtudaginn 13. nóvember kl. 13:00

Fundinn sátu:

Arnór Benónýsson, Margrét Bjarnadóttir, Ásvaldur Ævar Þormóðsson, Heiða Guðmundsdóttir, Árni Pétur Hilmarsson, Sigurður Hlynur Snæbjörnsson og Ragnar Bjarnason.

Að auki sat fundinn Margrét Snorradóttir sem ritaði fundargerð í forföllum Dagbjartar Jónsdóttur sveitarstjóra.

Oddviti setti fund. Fulltrúar T-lista óskuðu eftir að bæta á dagskrá undir 7. lið; Skýrslur vegna Þingeyjarskóla.

Dagskrá:

1. Þjónustusamningur vegna málefna fólks með fötlun
2. Erindi – Urðarbrunnur
3. Erindisbréf Skipulags- og umhverfisnefndar
4. Tækifærisleyfi – Jón Þórir Óskarsson
5. Skipulagsmál sveitarfélaga
6. Fjárhagsáætlun 2015
7. Skýrslur vegna Þingeyjarskóla

1. Þjónustusamningur vegna málefna fólks með fötlun

Tekið til umræðu að nýju samningur um sameiginlegt þjónustusvæði í Þingeyjarsýslum um þjónustu við fólk með fötlun. Óskað hefur verið eftir afstöðu Þingeyjarsveitar til umsóknar um áframhaldandi undanþágu vegna landfræðilegra aðstæðna frá átta þúsund íbúa lágmarki þjónustusvæða sem sett var við yfirfærslu málaflokksins til sveitarfélaganna árið 2011.

Samkvæmt bókun sveitarstjórnar á fundi þann 30. október s.l. var óskað eftir fundi með fulltrúum Norðurþings sem er leiðandi sveitarfélag á umræddu þjónustusvæði og átti fundurinn sér stað þann 10. nóvember s.l. Á þeim fundi var samþykkt að skipa starfshóp til að vinna að endurskoðun á fyrirkomulaginu. Samþykkt að í þeirri vinnu felist að gera úttekt á þjónustunni samkvæmt núverandi samningi og gera tillögu að fyrirkomulagi til framtíðar.

Sveitarstjórn samþykkir að óskað verði eftir áframhaldandi undanþágu til næstu þriggja ára frá átta þúsund íbúa lágmarki vegna landfræðilegra aðstæðna í samstarfi við Norðurþing, Skútustaðahrepp, Langanesbyggð, Svalbarðshrepp og Tjörneshrepp.

2. Erindi - Urðarbrunnur

Fyrir fundinum liggur erindi frá Baldri Daníelssyni f.h. Urðarbrunnis, dags. 28. október s.l. þar sem hann óskar eftir fjárstyrk að upphæð 500 þús. kr. til að merkja örnefni í sveitarfélaginu inn á kortagrunn Landmælinga Íslands. Heildarkostnaður við verkið er kominn í 5,2 millj.kr. og fékkst m.a. styrkur úr Vaxtarsamningi Norðausturlands að upphæð 2 millj.kr. en afganginn hafa Urðarbrunnur og Landmælingar Íslands fjármagnað.

Sveitarstjórn samþykkir erindið og vísar til gerðar fjárhagsáætlunar.

3. Erindisbréf Skipulags- og umhverfisnefndar

Lagt fram að nýju erindisbréf Skipulags- og umhverfisnefndar en samkvæmt bókun sveitarstjórnar á fundi þann 30. október s.l. var afgreiðslu frestað.

Sveitarstjórn samþykkir erindisbréfið.

4. Tækifærisleyfi – Jón Þórir Óskarsson

Lögð fram umsagnarbeiðni frá sýslumanninum á Húsavík dags. 4. nóvember s.l. þar sem Jón Þórir Óskarsson sækir um tækifærisleyfi vegna skemmtanahalds. Er hér um að ræða ungmennafélagssamkomu og dansleik í sal á Illugastöðum þann 7. nóvember 2014.

Sveitarstjórn samþykkti tækifærisleyfið milli funda þann 5. nóvember s.l. og gerði ekki athugasemd fyrir sitt leyti.

5. Skipulagsmál sveitarfélaga

Tekið til umræðu skipulagsvald sveitarfélaga. Fundarmenn sammála um mikilvægi sjálfstjórnar sveitarfélaga í skipulagsmálum.

6. Fjárhagsáætlun 2015

Fjárhagsáætlun 2015 tekin til umræðu. Sérstaklega rætt um grundvöll gjaldskráa.

7. Skýrslur vegna Þingeyjarskóla

Lagt til samkvæmt tillögu frá T-lista að skýrslu um rekstur og framtíðarskipulag Þingeyjarskóla, skýrslu um skólaskipan Þingeyjarskóla og skýrslu um viðhalds- og rýmispörf Þingeyjarskóla, verði vísað til umsagnar í fræðslunefnd.

Samþykkt samhljóða

Lagt fram til kynningar:

- a) Fundargerð 821. fundar stjórnar Sambands íslenskra sveitarfélaga
- b) Fundargerð aðalfundar Samtaka orkusveitarfélaga 2014
- c) Fundargerð aðalfundar Samtaka sveitarfélaga á köldum svæðum 2014

Fleira ekki gert og fundi slitið kl.14:40

Arnór Benónýsson

Margrét Bjarnadóttir

Árni Pétur Hilmarsson

Ásvaldur Ævar Þormóðsson

Heiða Guðmundsdóttir

Sigurður Hlynur Snæbjörnsson

Ragnar Bjarnason